



Hans Simon possideo

25 80 3.

Ecclesiast: 12 Say:

Man thū was man thū
das Abends spude das
morgens fröhe

Man fröhlich Gott
Dann halte sein geboth.

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.


Lcc. 17

Was du ihrl. dab ihrl.
Waislich: Fürst
Gott ihrl. wach
fürs Thimandh

Deo Dantē mihl. Valet
minda.

Ich weiß, dab mein
erlöser lebet.

Mors mihl. non mors est,
sed tantum mortis
image. /.



Kurtzer Be=
griff vnd inhalt der gan=
zen Heiligen Schrifft/
vnd aller Biblischen Bücher/
des Alten vnd Newen Testa=
ments/ Durch den Wirdigen
vnd Hochgelarten Herrn
Johannem Brentium
gestelt / vnd erstlich
im Latein aus=
gangen.

Verdeutschet durch Johans
nem Gudenum.

Johan. am v.
Suchet inn der Schrifft / denn sie ist
die von mir zeuget.

Anno 1550.

KÖN. PR. FR.
UNIVERS.
ZVHALLE.



Dem Bestrengen Er-
bar vnd Ehreuhesten Chris-
stoffel von Steinberge
meinem günstigen
Junckern.

Sad vnd fries
de durch Christum
vnsern einigen Ers-
löser vnd Heyland
zuuor. Bestrenger
Erbar vnd Ehreuhester Günsti-
ger lieber Juncker. Es hat der
Wirdige Hochgelert vnd Geists-
reich Man Herr Johan Brentz/
gewesener Prediger zu Schwebis-
chem Hal / im Jar nach Christe
vnsern lieben HERRN Geburt
der minder zal 46. ein Klein Büch-
lein im Druck lassen außsgehen /
welchs seiner yberschrift odder
A ii namen

namen nach / ein Kurtzer inhalt ist
der gantzen Heiligen Schrift /
was darin eygentlich gehandelt /
vnd wohin dieselbige zu richten
sey / etc. Dieweil es nun on zweifel
mit den Schrifften dieses Mans
also gethan / das sie nach aller ge-
lerten / geistreichen vnd inn der
Schrift wol geübten Menner vr-
theil / die heiligen Schrift recht /
vnd wie es Sanct Paulus nent /
dem Glauben gemess / aufslegen /
Vnd vnser Herr Gott auch dieses
Mans inn diesen letzten zeiten /
als seines werckzeuges braucht /
die reinen gefunden Lehr des E-
uangelij / an den tag zu geben vñ
auszubreiten (denn er selbst itzt
auch darbey / wie ein frommer
trewer Man / bestendig bleibt)
Ists derhalben allen Christen so
itz leben / was stands die sein /
trewlich zu rathen / das sie sich
neben den Biblischen Büchern /
auch

auch dieser Schrifften / darin die
Bücher der Heiligen Schrift /
nach ihrem rechten verstande
ausgelecht vnd erkleret werden /
befeiffen / vnd ihnen dieselbigen
gemein machen / damit sie nach
dem Exempel der Alten vnd Er-
sten Christen / in der Lehr der heil-
ligen Apostel vnd Euangelisten
wol gegründet / vnd in dieser ge-
schwinden geferlichen zeit auch
bestendig bleyben mügen / Denn
es sollen vnd müssen je die Chris-
ten / ihres Glaubens vnd Lehr ge-
wifs seyn / das es der recht Glau-
be / vnd die rechte Lehr sey / vnd
als denn auch mit Gottes gnas-
den darbey haltē / sich nicht lassen
leichtlich irr machen / vnd mit al-
lerley windt der Lehr / wie Sanct
Paulus sagt / vmbtreiben. Nach
dem nun Ewer Bestreng Ehr-
vest Erbarheidt / vnther andern
Adelischen tugenden / in sonder-
heit

A iij

heit



heit mit dieser Christlichen tugent von Gott begnadet / das ihr lust habt die heilige Schrift gerne zu hören vñ lesen (welchs warlich nicht eine geringe gnade ist) vnd aber disß Büchlein Ewer Gestreng. darzu inn viel wege nutz sein kan / habe ich mich beflissen / dasselbige mit verleihung Göttlicher gnade / aus der Lateinischen sprach / darin es erstlich geschriben / ins Deutsch zu bringen. Vnd wil solchen meinen fleiss vnd arbeit / wiewol sie vast gering / Ewer Gestreng. dedicirt vnd zugeschriben haben / eins teils darumb / das ich damit Ewer Gestreng. ursach gebe / hinfurt in angefangener Christlicher vbunge mit der heiligen Schrift / fort zu fahren / wie ich mich denn des schuldiger erkenne / inn solchem vnd andern / was Ewer Gestreng. Heil vnd Seligkeit belanget / vntertheniglich

niglich zu dienen / Eins teils auch
darumb / damit disß Büchlein
von andern deste fleissiger mocht
gelesen vñnd gebraucht werden /
Dieweil es vnter Ewer Bestreng-
namen ist aufsgangen. Bitt der
wegen gantz freundlich Ewer
Bestreng. wolle diesen meinen ge-
ringen fleiss vor gudt nhemen /
vñnd euch disß Büchlein auch ge-
mein machen / daraufs die heilij-
gen Schrift verstehen / ja Chris-
stum den HErrn selbst erkennen
lernen / welchs euch zur ewigen
Seligkeit wirt geratten. Chris-
tus vnser lieber Herr vñ Heyland
wolle Ewer Bestreng. sampt als
len frommen Christen / mit zeit-
licher vñnd ewiger wolfart
reichlich segnen / AMEN.

Eurer Bestreng.
gantzwilliger

Johannes Gudenus

A iij

Kurtze

Kurtze Summa vnd
Inhalt der ganzen Heyligen
Schrift. Nemlich der Bücher
des Alten vnd Newen
Testaments.

DIE Bücher
des Alten Testaments leren vns/
das der Gott / welchen
Abraham / Isaac / vnd Iacob / die
Hebreer geehret haben / allein der
rechte ware Gott sey / vnd das er
Almechtig vnd Ewig sey / der vmb
seiner güthe willen / durch sein
Wort Himmel vnd Erden / vnd alles
was darinnen ist / erschaffen hat /
vnd kompt alles von ihm her / ohn
welchen nichts gerecht oder gnedig
sein kan / vnd der da alles in allen
wirckt

wirckt nach seinem willen / zu
dem niemand sagen darff / wor
umb er dis oder jenes / auff diese
oder ander weyse schaffe oder
wircke. Zu dem das auch dieser
Gott den ersten Menschen Adam
nach seynem bilde vnd gleichnus
erschaffen / vnd ihn zum Herrn
gesetzt hat aller erschaffenen din
ge auff Erden / welcher Adam
durch neid / list vnd betrug des
Teuffels / da er dem Geboth seyn
es Schepffers vnghehorsam wor
den / hat mit seiner Sünd vnd
vbertretung / solche Sünd in die
Welt bracht vnd eingefürt / die so
gros vnd schwer ist / das wir al
le / so nach dem fleisch von ihm ge
born seindt / itzt von art vnd nat
tur kinder des zorns seindt / vnd
derhalben dem Todt / ewigem
verdammis / dem Joch / Tyrans
ney vnd gewalt des Teuffels / vn
therworffen worden.

A v Weither

Weither wirt aber ange-
zeigt / das auch von G D E dem
Vater der gebenedeite Same Jhe-
sus Christus Gottes Son / vnser
Heylandt / sey verheissen worden /
dem Adam / Abraham / Jsaac /
Jacob / dem David / vnd den an-
dern Vetern / Dieser Same solt
von Sünden vñ gewalt des Teu-
ffels erlösen / alle die so durch wa-
ren lebendigen Glauben / diese
verheissung würden annehmen /
vnd ihr vertrauen setzen auff
diesen Jhesum Christum / guther
gewisser hoffnung / das sie allein
von ihm vnd durch ihn / die erlö-
sung würden vberkommen.

Diese verheissung aber ist
offtmals widerholet in Büchern
des Alten Testaments. Mitler
zeit aber da die Väter dieses Heils
vnd erlösung / so verheissen wahr /
gewartet / dieweil die Menschen
ihrer Natur halben / also vermest
sen /

sen / stoltz / vnd verruckt / das sie
sich nicht gerne vor Sünder be-
kennen / als denen auch von nöten
sey / das ihnen durch den verheiß-
senen Heylandt gehulffen müge
werden / Wirt weiter angezeiget /
wie das Gesetz auff steinern Taf-
feln geschrieben / von Gott durch
Mosen sey gegeben worden / das
da durch die Sünde vnd bos-
heit des Menschlichen Hertzen /
erkandt würde / vnd die Men-
schen also ethwas begiriger wür-
den / nach der zukunfft Christi / der
sie von Sünden erlösen mocht /
welchs die Brandtopffer vnd and-
ern opffer / nicht haben mügen
zuwegen bringen / den sie nur ein
schatten vñ vorbilde gewest / die-
ses rechten vñ warhafftigen Op-
ffers Christi / durch welchs aller
Menschen Sünde heben sollen
aufgeloschen vnd hingenom-
men werden.

Aber

Aber inn den Büchern des
Newen Testaments / werden wir
nun gelert / das dieser verheissener
Christus (der da Gott ist vber al-
les gelobt in ewigkeit) welcher in
den Büchern des Alten Testa-
ments / durch das Opffer abge-
malet / fürgebildet vnd bedeut ist
worden / endlich da die bestimpte
zeit vom Vater kommen / ist ges-
sandt worden / zu der zeit / sage
ich / da alle Sünde hatte vber-
handt genommen. Ist aber ges-
sandt vnd Mensch worden / nicht
ymb einiges menschen verdienst /
oder guther werck willen (den sie
waren alle Sünder) sondern das
Gott / als warhafftigk vñ getrew-
den vberschwenglichē reichthumb
seyner gnad / so er verheissen / er-
zeigete / vnd vns nach seiner gnad
also selig machte.

So wirt derhalben im Newen
Testament gantz eigentlich vñ
kierlich

Klerlich bewiesen / vñ dargethan /
das Ihesus Christus das wahre
Lamb Gottes / vnd das rechte wa-
re Opffer für der Welt Sünde /
Kommen sey / das er vns mit Gott
dem Vater wolt zu frieden stellen
vnd versünen (denn er ist vnser
friede) damit das er vns mit sei-
nem Bluth / von vnsern Sünden
gereiniget / vnd von des Teuffels
Gewalt vnd dienstbarkeit (denn
wir ihm mit Sündigen gedienet)
der Sünd halben erlöset / vñ das
wir also / durch ihn / zu Gottes Kin-
dern angenommen / vnd seine
miterben würden.

Damit wir aber diese hohe
treffliche grosse wolthat / vnd
gnade Gottes / vns erzeiget / auch
erkennen möchten / gibt vns Gott
seinen Heiligen Geist / welchs
frucht vnd gabe ist der Glaube an
Gott vnd seinen Son Christum /
Denn on den Heiligen Geist / da-
mit

mit wir versiegelt seindt / Können
wir nicht gleuben / das Gott der
Vater den Messiam vnd Erlöser
gesendt habelauch nicht das Jhe
sus der Christ sey / Denn also sagt
der Heilige Paulus / Niemand
Kan Jhesum einen Herrn nennen /
den allein im Heiligen Geist / der
selbige Geist gibt zeugnisse vnserm
Geist / das wir Gottes Kinder
sein / vnd geust in vnser hertzen
die liebe / so Paulus an die Co
rinther beschrieben. Vber das tei
let er vns mit die hoffnung (wel
che ist eine gewisse wartung des
ewigen lebens) denn er auch das
pfandt ist desselbigen / vnd gibt
vns andern Geistliche gaben / das
von Paulus zun Galatern sagt /
vnd durch dis vertrauen / vnd
Glauben auff Christum / so durch
die liebe thetig ist / vnd sich durch
die werck der liebe beweiset / vnd
herfür thut. Auch die Menschen
darzu

darzu treibt das sie guthes thun/
werden wir gerecht / from vnd
heilig / das ist / Gott vnd der Vas-
ter vnser HErrn Ihesu Christi
(der auch vnser Vater ist worden/
durch Christum vnsern Bruder.)
helt vns für from / gerecht vnd
heilig / vnd das durch seine gna-
de / in dem er vns vnser Sünde
nicht zurechnet zur verdammis.

Endlich ist Christus auch
selbst darumb kommen / das wir
durch ihn von vnsern Sünden er-
löset vnd gereiniget / auch nun sei-
nes willens leben sollen / vnd vns
in rechten guthen wercken vben /
dem Sündlichen fleisch abster-
ben / vnd absagen / vnd ihm allein
freiwillig dienen / in Gerechtig-
keit vnd Heiligkeit all vnser lebens
lang / das wir also durch guthe
werck (welche Gott bereidt hat /
das wir darin wandeln) vns be-
weisen / als das wir zu solcher
Gnade

gnade beruffen seindt. Vnd zwar
welcher mensch diese guten werck
nicht hat / sich darin nicht vbet/
zeigt damit an / das er auch kei/
nen solchen Glauben an Chri/
stum hat / wie er von vns fordert.

Zu diesem Christo müssen
wir treten / vnd ihm mit fröli/
chem hertzen anhangen / vñ nach/
folgen / das er vns Lehr / denn er
ist vnser Meister / sanfftmutigk
vnd von hertzen demutigk / Er ist
das rechte Ebenbilde von dem
man lernen muss / wie man recht
leben sol. Vber das ist er vnser
Bischoff vnd hoher Priester / der
einige Mitler zwischen Gott vnd
Menschen / der itzt zur Rechten
Gottes des Vaters sitzt / ist vnser
Sursprecher worden / vertritt vns
vnd bit für vns / vnd er wirt on
allen zweiffel gewisslich erlan/
gen / das wir von ihm oder / aber
in seinem Namen vom Vater bit/
ten werz

ten werden / wenn wir nur im Gebet mit warem Glauben / vns des also zu ihm versehen / das ers thun werde / denn er hats vns also zugesagt.

Derhalben sollen wir gar nicht zweiffeln / wenn wir gesündigt haben / sondern mit rechtschaffener Buß (dazu er vns anfänglich in seyner Predigt ermahnet) vnd wahren hertzlichen vertrauen zu diesem Stuel seiner Gnaden treten / vnd glauben gewisslich / wir werden gnade erlangen werden / denn er darumb kommen ist / das er durch seine Gnade / die armen Bußfertigen Sünder / Selig machen wil.

Diss ist nun Ihesus Christus / welcher (wenn der Mensch der Sünden / nemlich der Antichrist / durch den Geist seines Mundes / vmbbracht vnd getödt ist) sitzen wirt in seiner Maiestet

W

vnd

vnd Herligkeit / zu richten beyde
Lebendige vnd Todten / vnd ei-
nem iglichen an seinem Leibe ge-
ben / nach dem er gehandelt hat /
es sey guds oder böse / etc. Corin. 5.
Vnd wirt zu denen / so ihm zur
Rechten stehen werden / vñ in die-
ser Welt / auff die ewigen güter ge-
wartet / sagen. Kompt ihr Gebene-
deiten meines Vaters / besitzt das
Reich / das euch von anfang der
Welt bereit ist. Aber denen so
zur Lincken stehen werden. Gehet
hin von mir ihr verfluchten / in
das ewige Fewr / das bereidt ist
dem Teuffel vnd seinen Engeln /
denn wirt das ende sein / wenn er
das Reich Gott vnd dem Vater
vberantworten wirt. Vnd das
mit wir dis alles möchten erken-
nen vnd verstehen / ist vns von
Gottes Gnaden / durch den Hei-
ligen Geist / die Bibel / das ist die
Heilige Schrift / geben / ja das
wir ers

wir erkennen (sage ich) das allein
ein warer Gott sey / vnd den er ges
sand hat Ihesum Christum / vnd
das wir durch das erkenntnis vnd
Glauben / das ewige leben haben
inn seinem namen. Über dies
sen grundt kan niemandt einen
andern legen. Vnd Paulus wün
schet / das der sol verbannet sein /
so einen andern Glauben vnd Se
ligkeit verkündigen würde / denn
durch diesen Ihesum Christum /
wenn er schon ein Engel vom His
mel were / denn von ihm / vnd
durch ihn / vnd inn ihm / seindt
alle dinc / welchem mit Gott
dem Vater vnd Heiligem
Geist sey Ehr vnd Herz
ligkeit von Ewig
keit zu Ewig
keit / Amen.

W i kurtzer

Kurtzer Begriff vnd
Inhalt der Ganzen Hei-
ligen Schrift.

Alein die Schrift
so inn den rechten Bibli-
schen Büchern des Alten
vnd Newen Testaments begri-
ffen / zeigt vnd leret vns die rech-
ten Kunst / vnd einen gewissen
richtigen wech / dadurch wir zu
wahrem vnd ewigem Heil vnd
Seligkeit kommen mügen / wel-
che Seligkeit die Heidnischen
Philosophi allezeit nach Mensch-
licher vernunft vnd weisheit ge-
sucht / aber doch nie haben fin-
den oder treffen mügen / den dis
ist allein das einig stück / so in der
Schrift fürgenommen / das sie
vns das erkenntnis vnsers Herrn
Ihesu Christi leret / seine Ehr vnd
Herlig

Herligkeit erkleret / vnd dem ganz-
tzen Menschlichen Geschlecht /
solch erkendtnis vnd Herligkeit
Christi fürhelt / das ist / wie man
sagt / der anfang vnd das ende
der heiligen Schrift / vnd was
darinn begriffen / sihet darhin /
wil auch dis haben / ist darhin
gericht / gehet alles darauff aus.
Dis wil ich aber nun on weitem
verzug / itzt kurtzlich anzeigen /
vnd alle Bücher der Schrift vber
lauffen.

DAS Buch der
Schöpfung / Genesis
(welchs das Erste Buch Mosis
ist) wiewol es dafür mag ange-
sehen werden / als obs darumb
geschrieben / vnd als solt dis der
nutz sein / so man dargus nemen
sol / das die so von Adam her kom-
men / den anfang dieser Welt /
B iij vnd

Das Ero-
ste Buch
Mosi.

vnd wie das Menschlich Ges
schlecht gemehret vnd zugenum
men/ auch die Sidtfluth/ die ver
störung vñ das verderben zu So
doma/ vnd die Geschicht der Pa
triarchen vnd Alrueter erkennen
vnd wissen möchten / Lehret es
doch am aller meisten / vnd für
nemlich allein CHRIstum den
Son Gottes / Denn nach dem in
diesem Buch / der schwere fall vñ
Sünde des Menschen beschrie
ben. Auch die straff so vmb der
Sünde willen vber den Menschē
kommen / Nemlich der Todt/
Wirt bald hinzu gesetzt vnd be
schriebē die verheissung vom Sa
men des Weibes/welcher ist Jhe
sus Christus / vnd ist volgens
dieselbige verheissung widder
umb ernewert/vñ auff des Abra
hams Samen/als durch den hei
ligen Geist / geflossen / vnd nicht
lange darnach auffs Geschlecht
Juda

Juda des Sons Jacobs Kommen / diese verheissung ist nicht allein als eine köstliche Perlen oder Margaritt / des Buchs der Schöpffung / Sondern ist auch der gantze schatz so daraus zu nemen / Vnd haben diese Verheissung die Patriarchen vnd Ertzueter / beyde mit Predigen oder Leren / vnd mit Opffern inn ihren Geschlechten / vnd vnter ihrem Volck getrieben / seindt auch für Gott durch den Glauben auff die Verheissung Gottes Frum vnd Gerecht wurden / inn grosser widderwertigkeit / ja auch endtlich mitten im Todt dar durch erhalten vñ Selig worden.

Lodus / das Ander Buch Mosis / helt inn sich eine treffliche predigt / vom künfftigen Christo / vnd wie er vnter
B iij dem

Das Ant
der Buch
Mosi.

dem Volck von Israhel Predigen
vnd Lehren werde / welche Pres-
digt im drei vnd vierundreissig-
sten Capittel beschrieben. In an-
dern theilen oder örther dieses
Buchs / darinnen die Erlösung/
der Israheliten aus Aegypto / vnd
wie das Gesetz oder Zehen Ge-
bott gegeben / auch wie beide das
Geistliche vnd Weltliche Regi-
ment oder Policey inn Israhel ge-
fast / verordnet vnd eingesetzt ist
worden / mag sichs vielleicht an-
sehen lassen / als ob inn diesem
Buch ethwas anders vorgenun-
men / denn das allein darin Chris-
tus solt beschrieben werdenn.
Aber wenn mans ethwas fleissi-
ger wirdt erwegen / findt sichs /
das dis gantze Buch / Exodus
genant / fürnemlich darhin ge-
richt ist / das darin Christus der
Herr / der Christlichen Kirchen /
oder dem Volck Gottes wirt für-
getra-

getragen / denn das die Iſraeliſten
ſeindt gefreyet worden / vnnnd
mit Geſetzen / Ordnungen vnnnd
Regiment / einer Polickey vnter
worffen (welchs im Exodo beſchrieben
wirdt) iſt darumb geſchehen / das ein
Volck were / bey welchem die Verheiffung
von Chriſto / durch offentliche Predigt
vnd Gottes dienſt möchten erhalten
werden / vnd damit das Volck eigentlich
vnnnd gewiſs möcht wiſſen / aus welchem
Geſchlecht Chriſtus kommen würde.
Was thun die Zehen Gebot anders?
denn das ſie auff Chriſtum ſehen / wie
S. Paulus ſagt / Die Schrift hats alles
vnter die Sünde beſchloſſen (welchs für
nemlich geſchicht durch die Zehen
Gebott) das die Verheiffung durch den
Glauben an Iheſum Chriſtum geben
werde / denen die da glauben / vnnnd
bald hernach

W V

DAS

Das Gesetz ist vnser Zuchtmeister
gewest auff Christum / das wir
durch den Glauben gerecht vnd
frum würden. Vnd was sol ich
vom Osterland / vom Leuitischen
Priestertumb / von dem Taber-
nackel / von der Lade oder Gna-
den Stuel sagen / vnd von andern
eufferlichen satzungen oder Got-
tes dienst / so im Exodo eingesetzt
vnd beschrieben / denn es jder-
man wol bewust / das diese dinge
alle dahin gehören / das Christus
der Herr daraus erkent vnd er-
kert sol werden / Vnd ist derwe-
gen vnnötig an diesem orth et-
was weither dauon anzuzeigen.

So ist nun derhalben das endt
dahin dis Buch Exodus
gericht ist / nicht an-
ders denn das man
daraus sol Chris-
tum erkennen
lernen.

Eben

Leben dasselbig soll Das Drit
te Buch
Mosi.

Man auch halten vom Leuitico / dem Dritten Buch Mosi / Vnd dieweil darinn die Leuitischen Opffer / Leuitische Heiligung vnd Reinigung / sampt andern der gleichen satzungen / beschrieben werden / ist daran kein zweyffel / das dis Buch nicht auch solt von Christo Predigen / denn alle Leuitische Opffer seindt eitel Predigt von Christo / vnd was von der Heiligung oder Erledigung / von der vnreinigkeit darin geschrieben vnd gelert / bedeut allein Christum den rechten vnd wahren Heiligmacher.

In Vierterden Buch Das Vier
te Buch
Mosi
(Das Buch Numerorum genant) findt man eine klare vnd offentliche Weissagung des Bas
laams

laams vom Reich Christi / wirt
aber nicht allein des teils von
Christo darin Geprediget / son-
dern das gantze Buch sibet auff
Christum / vnnnd ist seines fürha-
bens vnd inhalts auff Christum
allein gericht / die Ysraeliten wer-
den gezalt / die Herlager werden
verordnet / es werden die wo-
nung / wie mans nent / des Volcks
inn Ysrael / erzelet / Sie senden
Kuntschaffter auß ins Landt Ca-
naan / es werden auch manni-
cherley ferligkeit erzelet / so den
Ysraeliten beiegnen inn der Wü-
sten / vnnnd werden auch darunter
gesetzt vnnnd beschrieben / etzliche
Leuitische vnd Politische / das ist /
eusserliche Gesetze / vnd diese din-
ge alle / dieweil sie die Ordnung
der Policey vnnnd Regiments der
Ysraeliten belangen / sehen sie
auch allein auff Christum / denn
das Gemein Regiment des Ysra-
elischen

elitischen Volcks/ ist darumb al/
lein also verordent vnd gefast ges/
west / das die Lehr vnnnd Predigt
von Christo darinn hat sollen er/
halten werden.

Das Fünfft Buch
Mosi (Deuteronomium ge
nant) begreiffet Klerlich inn sich/
die Verheiffung von dem Prophe
ten / so nach Mose Kommen solt/
welchem Gott der HERR seine
Wort in den mundt geben wolt/
wie er selbst sagt. Dieser Prophet
ist Christus vnnnd kein anderer.
Vnd wiewol sichs mag lassen an/
sehen / als ob Moses on gefer die/
ser Verheiffung solt gedacht ha/
ben / ist doch wahr / das wo man
fleissig wil acht drauff haben /
wirt sichs befinden / das dis stück
von der Verheiffung nicht on ge/
fehr / vnd als ob sichs nicht daher
reymet /

Das
Fünfft
Buch
Mosi.

Deut. 18.

reymet / eingefürt / sondern ist
das Heubstück dieses gantzen
Buchs. Es wirt in diesem Buch
das Gesetz widderholet vñ auch
ausgelegt / Christus aber ist des
Gesetzes ende / wer an den gleubt
der ist Gerecht / wie Sanct Paulus
sagt / Denn das Gesetz erfordert
etwas größers vñd schwerers
denn der Mensch volbringen
kan / nach dem er der Sündt halben
verrücket vñd verderbt ist.
Nun wirt derhalben dieser Prophet
/ nemlich Christus / verheissen
/ welcher ob er wol des Lehr
ampts gepflegt / wie auch Moses
ein Lehrer gewesen ist / hat er aber
doch niemands sollen schrecken
oder tödten / sonder die zuhörer
trösten vñd lebendig machen.
Vñd derhalben je besser vñd weit
leufftiger das Gesetz erkleret vñd
ausgelegt wirt / je mehr die Leut
vom Gesetz auff Christum gewiesen
werden. Es hal

E S haltens etzliche da Das
Buch
Job.
für / das das Buch Job von
Mose zusammen getragen vnd ge-
schrieben sey / Derhalben sehen
wirs auch für gutt an / das wir
nach den Fünff Büchern Moses /
von diesem Buch auch etwas sa-
gen. Denn da wir vns fürgenum-
men / von den Büchern der Heilis-
gen Schrift / nach ihrem inhalt
vnd verstandt / zu reden / haben
wir lieber die Ordnung / dar-
nach sie anfenglich gestelt vnd
geschrieben / wie sichs lest anse-
hen / welche auch die Historien
vnd Geschicht anzeigen / halten
wollen / denn der Ordnung vol-
gen / nach welcher sie geminig-
lich im Druck außgangen.

Diss Buch Job / handele
fürnemlich diese Frage / Ob auch
GOTT yber einen Frummen Ges-
rechten

rechten oder Gottseligen Men-
schen straff verhenge / vñnd leß
sich nicht weinigers ansehen / den
das ethwas solt von Christo sa-
gen. Aber wie das Gesetz / also
auch das Exempel oder Vorbil-
de des Jobs / vñ der inhalt dieser
gantzen Disputation / sehen al-
lein auff Christum. Denn Job /
wiewol er frummer vñnd recht-
schaffener erfunden / denn alle
Menschen auff Erden / da er für
das streng Gericht Gottes gestellt
ist worden (das ist / da Gott mit
im ins Gericht ist getretten) hats
also weit gefeilt / das er seiner na-
tur halben hett mügen Frum vñd
Gerecht erfunden werden / das er
auch Gott selbst geschmehet vñd
gelestert hat. Wo her hat er denn
nun zuuor die Gerechtigkeit vber-
kommen oder erlangt / vñd da er
die verlorn / wo mit hat ers wid-
derumb erstattet ? Warlich nir-
gents

gents mit / denn durch den Sa-
men / welcher / laut der Verhei-
ßung Gottes / der Schlangen den
Kopff solt zu treten / vnd inn dem
alle Völcker solten gesegnet wer-
den. Dis beweisen die Brand-
opffer / so Job für seine Kinder
vnd gefreunde geopffert hat / den
die Brandopffer seind bey den
Ertzuetern nichts anders gewest /
denn eine Lehr des Glaubens an
den künfftigen Christum. Die
Disputation aber vnd Frage / ob
Gott auch die Gerechten straffe /
hengt gar an Christo / darumb
das kein Mensch gerecht ist / den
allein Christus / vnd die so durch
Christum gerecht gemacht wer-
den.

Derhalben gleich wie Gott
der Vater vber seinen Son Chris-
tum verhengt / das er ist gestrafft
worden / nicht von wegen seiner
Sünde oder vngerechtigkeith / den
er nie

er nie keine Sünde gethan / Son-
dern vmb einer andern vrsachen
willen / Nemlich das er mit sei-
nem Leiden frembde Vngerech-
tigkeit aufstilget vnd hinnheme.
Also lest Gott vntherweilen / die
so an Christum gleuben / auch et-
was leiden / nicht von wegen irer
Sünde / welche ihnen durch Chri-
stum schon vergeben seind / son-
der vmb anderer vrsachen willen /
Nemlich das entweder ihr Glaus-
be geprüefet werde / oder sie selbst
dardurch im Zaum gehalten wer-
den / odder das sie ein Exempel
sein / daran idermenniglich zu se-
hen habe / wie mit grossen ernst
Gott straffen werde die Gottlos-
sen vnd vnbusfertigen. Endlich
auch darumb / das sie deste grö-
ssern lohn im himel vberkommen
mögen. Derhalben sihestu itzt
wol / kanst es auch leichtlich ver-
stehen / das dis Buch Jobs / da-
von ges

von gesagt wirt / das Moses sol
geschrieben haben / auch allein
Christum lehret.

Josua feret vber den Das
Buch
Josue.
Jordan / stürmt die Stadt
Jericho / vberwinnet die Könige
der Cananiter / nimpt die König-
reich des Lands Canaan ein / vnd
teilet sie vnter die Geschlecht Is-
rael. Ist ein offentlich zeugnis
vnd beweisung / das Gott seine
verheissung trewlich gehalten /
darin er zugesacht / er wolt den
Kindern vnd nachkommen der
Ertzrueter das Landt Canaan ge-
ben. Sihe aber zu war vmb vnd
ans was vrsachen er das Landt
verheissen vnd geben habe / ist
darumb geschehen / das sie gute
tage solten haben / müßig gehen
vnd faul sein / anderer Leut Stedt
vnd Landt gebrauchen / vnd das
E ij sie also

sie also daran/eusserlichen vñ leiblichen lust hetten ⁊ Keins wegs istts darumb geschehen / Sonder viel mher das sie in ihrer Policey vnd Gemeine erhalten solten die Predigt vom verheissenen Samen Abrahæ/welcher ist Ihesus Christus vnser Heilandt/vnd das sie die selbigen Predigt ausbreiten vnd ihren Nachkommen verkündigeten / bis so lang er selbst kommen / vñnd das Heil / so verheissen war/ erwerben vnd zuwege bringen würde.

Derhalben wenn du das Buch Josua liesest / soltu es dafür nicht halten / als ob du allein von Jüdischem Sieg oder vberwinnung lesest /sonder viel mehr Himlische einsetzung vnd Ordnunge/der Predigt vnd Lehr von Christo.

Im Buch

Das Buch der Richter Das Buch der Richter.
ter wirt beschrieben / wie
das Regiment vnd die Gemeine
des Volcks Israel zugenommen
vnd gemehret sey / vnter den Für-
sten so nach Josua vber Israel Re-
gieret haben / mehr durch gross
ansehen denn durch gewalt / wel-
che zum Regiment nicht von
Menschen erwelet / sondern durch
grosse Göttliche wunderthat dar-
zu erhaben seindt. Vnd wiewol
in dieser beschreibung öffentlich /
der verheissung von Christo nicht
gedacht wirt / jedoch da erzelet
wirt / wie gnediglich vnd wun-
derbarlich die Israeliten (so vmb
ihres Gottlosen lebens vnd wes-
sens willen / viel mehr straff vnd
vngnad / den hülff oder beystand
verdienen hatten) aus der Handt /
Gewalt vnd Tyranny ihrer Fein-
de erlöset vnd errettet seindt / hat
E iij damit

damit der Heilige Geist klerlich
angezeigt / das Gott die Gemeine
oder Bürgerschaft des Israeliti-
schen Volcks / eben vmb der vrs-
sachen willen erhalten habe / vmb
welcher willen er sie auch einge-
setzt / Nemlich vmb seines Sons
Christi willen / das ein Gottes
Volck were / bey welchem die ver-
heissung von Christo geprediget
vnd geleret würde / bis auff seine
Menschwerdung / da er selbst sein
Euangelion verkündigen würde.

Das
Buch
Ruth.

Das Buch Ruth bes-
greiffte inn sich ein teil des
Stams David / welchs der Euan-
gelist ins Geschlecht Christi ge-
zogen / das du also klerlich sehen
magst / das auch dis Buch / wie
klein es ist / allein auff Chri-
stum gericht ist.

In Bü

Die Bücher der Könige vnd Chronica / wirt
das Königreich in Israel auffge-
richtet vnd eingesetzt / vnd wirt
das Regiment verendert / da zu-
vor ihrer viel Regieret / wirts nu
also angericht / das ein König al-
lein regirt hat / vnd wirt das
Königreich vom Geschlecht Saul
auff den Stam David gewendt.
Auch wirt der Tempel zu Hieru-
salem auffgericht vnd gebawet /
Das Königreich wirt geteilet inn
zwey teil / eins ist genent wurden /
das Königreich Juda / das an-
der / das Königreich Israel / da
wirt beschrieben vnd erzelet / wie
ein König nach dem andern erwe-
let / vnd was in beyderley König-
reich vnther den Königen gesche-
hen / bis das sie gar verstorret vnd
verderbt sein / durch die Assyrier
vnd Babilonier. Aber inn allen
C iij diesen

Die Bü-
cher der
Könige
vnd Chro-
nica.

diesen dingen vnd Geschichten/
wird verborgener weis das be-
griffen/ welchs die Summa vnd
das fürnemste Heubstück ist/
Nemlich die Verheissung von
Christo / so zum David ist gesagt
worden. Denn als anfänglich die
Verheissung von dem Samē des
Weibs / das ist von Christo / auff
das Geschlecht Abrahæ gewend
ist / wirdt bald hernach das Ge-
schlecht Juda beschrieben. Aber
in Büchern der Könige wirdt die-
ser Verheissung ihr ziel gesetzt im
Stam oder Geschlecht Davids/
vnd sol hernach Christus inn fei-
nem andern Geschlecht gesucht
werden / denn im Geschlecht Da-
uids / wie der Herr sagt / Wenn
nu deine zeit hin ist / das du mit
deinen Betern schlaffen ligst / wil
ich deinen Samen erwecken / der
von deinem Leib kommen sol /
dem wil ich sein Reich bestetigen/
der sol

2. Samu.
th. 7.

der sol meinem Namen ein Haus
bawen / vnd ich wil den Stuel sei-
nes Königreichs bestetigen ewig-
lich / Ich wil sein Vater sein / vnd
er sol mein Son sein. Dis ist das
gröffest / das fürnemst vnd höch-
ste / daran die einsetzung des Kö-
nigreichs in Israhel / vnd das der
Tempel zu Hierusalem gebawet /
ein König nach dem andern Re-
gieret / vnd wie die Könige Gesie-
get / vnd sunst alles was sich im
Regiment des Volcks von Israhel
begeben / hanget vnd ist dahin al-
lein gericht. Diese Verheissung ist
die richtschnur vnd regel aller
Prophten gewest / so hernach
kommen sein / vnd haben die Prop-
pheten ihr Predigt aus dieser Ver-
heissung zusammen getragen vnd
geschrieben / vnd sind solche Pre-
digt / so sie gethan / sehr gude vnd
trefflich gewesen. Durch diese
Verheissung sind ewig Gerecht

E v vnd

vnd Selig würden alle Gottseligen / so sie im Glauben angenommen vnd gefast haben. Derhalben diese Verheissung billich den vorzug haben / vnd für das fürnemst Heubtstück gehalten werden sol / vnter allen so man in den Büchern der Könige vnd Chronicken list.

Der Psalter.

Aber vnter den Propheten / welche die Verheissung von Christo / so dem David geschehen / inn ihren Predigten vnd Schrifften erkleret / ist David selbst der fürnemst inn seinem Psalter / denn er in diesen Psalmen odder Geistlichen Liedern / die Gottheit vnd Menschheit Christi / sein Leiden / Sterben / Auferstehung / Herrschafft / Königreich vnd Maiestet / also herzlich gepreiset / das (dieweil solche
gemeine

gemeine Lieder allenthalbē öffent
lich gesungen werden) nicht wol
möglich sein kan / es mus so weit
das Volck von Ysrael gewonet /
Christus allenthalben sehr ge
mein vnd bekandt gewest sein.
Denn wiewol nicht alle Psalmen
einerley inhalt vnd verstandt ha
ben / auch nicht alle austrucklich
vnd klerlich von Christo singen /
ist doch im gantzen Buch der
Psalmen vberal Christus vnser
Herr allein das fürnembst vnd
trefflichst heubtstück.

Es werden dem Salomoni
Drey Bücher zu geschrieben / Das
Buch der Sprüch / Der Predi
ger / vnd das hohe Liedt

IN den Sprüchen Das
Buch der
Sprüch.
stehet erstlich eine sehr kla
re Predigt / vnter dem namen der
Weisheit

Weisheit vom Ewigen Wort
Gottes / dadurch alles erschaffen
auch alles regirt wirdt / welchs
Wort eigentlich Ihesus Chri-
stus ist vnser Herr vnd Heilandt.
Darnach helt dis Buch in sich fei-
ne Herliche Sprüche / in welchen
Salomon / eins theils Gottes
furchten vñ den rechten Glauben
an Gott leret / eins teils auch gute
sitten vnd Erbarkeit / der sich die
Menschen inn diesem leben be-
fleissen sollen. Was kan man aber
für Glauben haben zu Gott / vnd
was mügen das für Erbar sitten
oder gute wercke sein / der sich ein
Mensch befleissen magt / das sie
Gott gefallen / da man Christum
den Herrn nicht hat?

Das
Buch der
Prediger.

Der Prediger Sas-
lomonis ist dahin gericht /
das er inn allerley Stenden der
Mens

Menschen / so in diesem leben für
genommen oder angefangen wer
den mügen / gewisse vnd bestendi
ge wolfart / Glück vnd Heil su
chen vnd anzeigen wil / findet aber
in allen nichts denn eitelkeit. Der
halben kompt er endlich dahin /
das er sagt vnd schleust / es sey
dem Menschen nicht bessers oder
nützers / denn das er Gott fürch
te vnd sein Gebot halte / als denn
was sich nur inn diesem Leben zu
tragen kan / wirt doch ein solch
Mensch für Gottes Gericht beste
hen können. Aber wie wiltu Got
fürchten / seine Gebot halten / vnd
für seinem Gericht bestehen / das
mit du endlich die waren rechten
ewigen Seligkeit erlangen mü
gest / wo du Christum nicht hast.
Vñ derhalben wo dich dis Buch
zu Christo nicht wirt weisen /
kan ich nicht verstehen / was him
lischer odder Geistlicher frucht
du sunst

du sunst daraus schepffen müß
gest.

Das Hoh
be Liedt.

Als Hohe Liedt ist
sein danck Psalm / darinn
man Gott dancksagt / das er die
Policey vnd Gemeine des Israe-
litischen Volcks / mit vielen groß-
ssen wolthaten zugericht vnd ges-
zieret hat / als mit dem König-
reich vnd Priestertumb / das ist /
mit guten Gesetzen / Rechten vnd
Ordnung / damit eusserlich die
Gemeine Regieret vnd verwaltet /
auch mit seinem rechten Gottes
dienst / darinn Gottes Wort / vnd
fürnemlich die Verheissung von
Christo verkündiget werden / das
die Leut lernen vnd verstehen mü-
gen / wo sie die rechte frommig-
keit vnd Seligkeit suchen vnd er-
langen sollen / vnd sindt warlich
dis die grösten vnd höchsten wol-
thaten /

thaten / so dem Menschen widerfahren mügen.

Was meinstu aber / ob auch der heilige Geist / da er das Leiblich Vergänglich Israelitisch Königreich / so hoch gerühmet vnd gelobt / das er dieweil solt das Geistlich vnd ewig Reich Christi / in vergess gestelt haben? Es hat wol das eusserliche Reich Israel grossen schmuck oder zyrung gehabt. Aber das Reich Christi hat viel grössere / welchs an ende dieses hohen Liedts / mit Mauren vnd Bolwerck befestiget / mit Cedern Brettern oder Taffeln gezyret / vnd wirdt begabt mit Wolffart vnd Friede. Dis ist nicht anderst denn die Predigt des Euangelij / so inn die gantze Welt ist außgebreit wurden / vnd die manicherley gaben des heiligen Geists / ja ewige Seligkeit durch Christum.

Christum. Da sihet man wie so
feine Herliche Zeugnis vnnnd Lob
von Christo vnd seinem Reich in
diesem kleinen Büchlein verfasst
sein.

Die Prop
pheten.

Aber last vns nun
auch die Propheten für
nemen vnd besehen / welche allen
ihren fleis fürnemlich dahin ges
richt / vnnnd damit allein umbges
hen / das sie die Verheissung
von Christo / so zum David
ist geredt worden / lehren / aufs
legen oder erkleren / gros machen /
vnnnd darauff allein dringen. Den
wiewol etzliche Propheten wei
ssagen vnnnd verkündigen von dem
Assirischen gefengnis / etzliche
von dem Babilonischen / darinn
die Israaliten sindt gefürt / vnnnd
damit gestrafft worden / ist doch
allein Christus / das einig Syl /
darauff

Darauff alle ihre Predigt gericht
seindt. Denn man sol es dafür
nicht halten / das nach dem sie
bissweilen / vnnnd an etlichen ör
then kürtzlich vnnnd mit wenig
worten von Christo / aber weit
leufftig vnnnd mit vielen worten /
vom ynglauben vnnnd Gottlosen
wesen des Volcks / oder von der
künfftigen straff vnnnd verderben
des Israelitischen Reichs / predi
gen / das sie derhalben allein zufel
liger weise vnnnd on gefer das ge
dechnis Christi einfüren vnnnd
yberlauffen haben. Sondern ent
weder so sie die Sündt vnd Gott
los wesen des Volcks straffen /
ermanen sie doch darmit zum er
kentnis Christi / Nemlich das das
Volck vom Gottlosen wesen ab
stehe / vnnnd auffhöre böses zu
thun / vnd bey Christo vergebung
der Sünde vnd Gerechtigkeit su
che / odder da sie Weissagen von
D dem

dem zukünfftigen verderben des
Reichs Israel / trösten sie doch
die frommē Gottseligen Leut mit
der Predigt von Christo vnd sei-
nem Reich / wēlchs nimmer verge-
hen / sondern ewig bleiben wirdt.

Esaias.

Aber vnter dē Pro-
pheten / welcher Schrift
nach David aussgangen vnd
noch vorhanden sein / Ist Esaias
billich als der fürnembst vnd
höchst Prophet zu halten / Denn
erstlich ist er Christo verwandt /
nicht allein des Glaubens / son-
dern auch des Geblüts halben /
deñ er nent Christum seinen Bet-
tern / Nach dem es dafür wirt ge-
halten / das Amos des Esaiæ Va-
ter solt gewesen sein / vnd des Kö-
nings Amasiae Bruder / von
welchs Stam Christus geboren
ist. Darnach hat Esaias von Chri-
sto vnd

sto vnd seinem Reich nicht allein
mer / sondern auch Klerlicher vnd
Herlichere Predigtē geschrieben
denn die andern Propheten / vnd
möcht derhalben wol mer ein E-
uangelist / den ein Prophet genen-
net werden. Derhalben last vns
diesen Esaiam lesen / vñ auch wol
auswendig lernen / vñnd der sol
wissen / das er wol zugenommen
habe / dem dieser Prophet Esaias
wolgefelt.

Dertz vor der zeit **Esai** Jonas,
iae / hat der Prophet Zo-
nas gelebt / wie im letzten Buch
der Könige am x. Capittel geschrie-
ben stehet. Vñnd in diesem Pro-
pheten Zona hat nicht allein das
Geschicht bedeut / das die Lehr
des Euangelij auch vnter die Hei-
den sol außsgebreit werden / son-
dern auch das er drey tage vñnd
drey nacht im Leibe des Wal-
D ij fischs

fischs gewest / ist ein vorbilde des
Tods vnd Auferstehung Christi
gewesen / welchs aus der Predigt
Christi / Matth. xij. iderman be/
kandt ist / Vnd derhalben von
vnnöten das man an diesem orth
dar von viel wort solt machen.

Nahum.

Nicht lange nach
Zona wirt der Prophet Nas
hum gelebt haben (wie sichs lest
ansehen) dieser tröstet die betrüb/
ten Israeliten / vnd braucht dar
zu zweierley Argument / solchen
trost zu bewehren / Das Erst ist /
Das Gott die gewalt der Assyrier
(welche der Israeliten Feinde
waren) stürzten werde. Der An/
derbeweis / damit er den trost be/
stetigt / ist das Gott dem König/
reich Juda Prediger geben wer/
de / die Frieden verkündigen sollen
(wie auch Esaias gepredigt hat)
vnd

vnd wirt also die Feirtage widder
auffrichten / welchs nicht so schr
die zeit Ezechie / als die zeit Chris
sti vnd seiner Apostel betrifft / zu
welcher zeit der rechte ware Fried
vnd Frewdt durchs Euangelion
der gantzen Welt ist verkündigt
worden.

Es haben aber zurzeit Esaiæ
gelebt / Oseas / Amos vnd Miche
as / vnd zeugen ihre Schrift oder
Bücher klerlich / das dis ihr einig
vornemen gewest sey / das sie von
Christo vnd seinem Reich gelert
haben.

Oseas hat im an^ofang^o oseas.

fang seiner Predigten / die
Israelitē dem Herrn vnserm Got
vertrawet in Gerechtigkeit vnd
Gericht / in Gnade vnd Barm
hertzigkeit / vnd versonet sie also

D iij mit

mit David ihrem Könige. Am
ende aber bedrawet er mit gro-
ßem ernst den Todt/vnd spricht/
Todt ich wil dir eine gift sein/
Hell ich will dir eine plage sein/
Vnd dieweil solchs von Christo
vnd seinem Reich zuersehen/
ists offenbar das auch im Osea
der Geist Christi den fürzug hat/
ja der anfangt vnd endt ist.

Amos.

Amos beschleust sei-
ne Prophecey mit einer
fürtrefflichen vnd herrlichen
Weissagung vom Reich Christi/
das also klerlich scheint/wiewol
er sunst durch vnd durch gantz
hefftig strafft / er doch allein da-
mit vmbgehe / vnd wil alles
dahin gericht haben/das
nur Christus müge er-
kandt werden.

Was

W Als solich aber vom ^{Micheas.}
Propheten Michea sa-
gen? Dieser ist wol werdt das wir
ihm alle ehr erzeigen / den er nicht
allein den zukünfftigen Christum
verheisset / erzelet auch nicht al-
lein die grossen wolthaten des
Reichs Christi / Sondern zeigt
vns auch eigentlich an den orth
oder Stadt der Geburt Christi /
da er spricht / Und du Bethlehem
Ephrata die du Klein bist / gegen
den tausenten in Juda / aus dir sol
der kommen / der in Israhel Herr
sey / welchs Ausgang von an-
fangt vñ von ewigkeit gewesen ist.

E S meinen etliche das ^{Joels}
zur selbigen zeit auch der
Prophet Joel gelebt habe / Aber
von seiner Prophecey / darinn er
vom Reich Christi geweissaget /
hat der Apostel Petrus so viel ge-
halten /

halten / das er daraus seine erste
Predigt am Pfingstage zusam-
men getragen vnd gestelt hat.

Abacuc/
Sophoni-
as / Abdia-
as / Jere-
mias / vnd
Ezechiel.

Nach diesem Pro-
pheten volgen balde Aba-
cuc / Sophonias / Abdias / Jere-
mias vnd Ezechiel / vnd vnter die-
sen feret Abdias die Edomiter
hart an / vnd strafft sie / dann sie
grosse lust gehabt an der Israeli-
ten vnglück vnd trübsal / so Gott
yber sie verhengt. Die andern
aber Weissagen von der zerstö-
rung der Stadt Hierusalem / so
durch die Babilonier geschehen.
Aber was meinstu lieber Leser / ob
sie das allein im sinn gehabt / vnd
ob sie dahin allein gesehen ha-
ben? Keins wegs haben sie dis al-
lein gemeint / sondern das sie die
Gottlosen gestrafft / ihnen ge-
drawet / das sie gefangen vnd
verterbt

verterbt müsten werden / Ist das
hin gericht gewest / das sie dieser
straff halben / haben sollen erschrocken werden / Buss thun /
sich bekeren vnd bessern / vnd
Christum durch rechten waren
Glauben erkennen. **Widder-**
umb aber trösten sie die Gottseeli-
gen vnd frommen / das sie inn so
vieler widderwertigkeit / anfecht-
tung vnd trübsal / alle ihre hoff-
nung auff Christum setzen / als
der gewisslich Kommen werde /
sie zu erlösen. Das also iglicher
vnter diesen Propheten seine ei-
gen Weissagung hat von Chri-
sto / welche alle hie nach der lenge
zu erzelen vast weitleufftig würdt
sein.

Nun wil ich den **Daz** Daniel.
Daniel für mich nemen / die-
sen möchten schier lieber ein Mis-
D v rael

rackel vnd wunderwerck denn ei-
nen schlechten Propheten nen-
nen / denn er mit so grossen Geist
begabt gewest / das er nicht allein
gesehen das zukünfftige Reich
Christi / das es ewig bestehen /
vnd alle andere Reich vnterdrü-
cken würde. Sondern hat auch
eygentlich die zal der Jar / Wo-
chen / angezeigt / nach welcher
aufgang Christus kommen wür-
de. Vnd gleich wie zuvor Miche-
as die Stadt der Geburt Christi /
Also hat Daniel die zeit der zu-
kunfft Christi bestimpt / welchs
denn ein grosser trefflicher trost
der Gottseligen / so dazumal mit
mannicherley trübsal beladen / ge-
west / Vnd wir haben daran auch
ein gewiss zeugnis / das der Jhes-
sus der Jungfrawen Marien
Son / an den wir glauben / allein
der rechte ware Christ oder Mes-
sias vnd der Welt Heilandt sey.

Esdras

Esdraß vnd Nehemias
Esdraß vnd Nehemias
Esdraß
Nehemias
as.
Esdraß vnd Nehemias führen das Volck widerumb aus der Babilonischen gefengnis / richten widerumb auff die Stadt Hierusalem vnd den Tempel / Nemlich das Weltlich odder eusserlich Regiment / vnd den Gottes dienst / dar zu ihnen gehulffen vnd sie ermanet haben die Propheten Aggeus vnd Zacharias. Diese wolthat aber haben die Jüden von Göttlicher gnaden nicht der endlichen ursachen halben empfangen / das sie allein eusserlichen Frieden hetten / sondern auff das wenn Christus kommen würde / die Stadt Bethlehem auffgericht möcht sein / als in welcher Christus solt geborn werden. Vnd das Zion vnd Hierusalem widerumb gebawet weren / darin Christus sein Euangelion solt Predigen / ja /
Daraus

Esa. 2.
Mich. 4.

daraus das Euangelion inn die
gantze Welt must außsgebreitet
werden / Inhalt der Weissagung
Esaiae / Micheae vnd der andern
Propheten / denn das die Polickey
vnd Regiment der Jüden wid
derumb instaurirt vnd auffgericht
ist wurden / ist eigentlich dahin
gericht gewest / wie dan klerlich
die Propheten Aggeus vñ Zacha
rias bezeugen / da der eine offent
lich sagt / es werde baldt gesche
hen das Christus Kommen wer
de. Der ander aber füret ein vnd
beschreibet Christum / da er auff
der Eselin vnd jungen Füllen
geritten / Auch wie er vmb drei
ßsig Silberlinge sey verkaufft
worden / Vber das wie er geschla
gen vnd gestochen sey / Erhebt
ihn aber auch baldt widder
umb als einen vberwin
ner vnd Herscher al
ler Völcker.

Was

W Als im Buch He-
ster beschreiben / so viel die ^{Besten}
Historia vnd Geschicht belangt /
ist geschehen inn der Persier Mo-
narchey oder Regimēt / nach dem
die Jüden widerumb aus Babil-
lon kommen / doch ehe denn der
Tempel auffgericht gewest / vnd
wiewol dis Büchlein von Chris-
to nicht außstrücklich (weñ man
die wort ansihet) redet / ist doch
eigentlich / wenn man die endt-
lich vrsach wil ansehen / auff Chri-
stum gericht / denn Gott hat wun-
derbarlich abgewendt vnd ver-
hut die grosse fehrigkeit / welche
allen Jüden / so noch inn Persia
vberblieben waren / zugemessen
war / das er mit diesem Exempel /
die so heimkommen waren / trö-
sten / vnd sie erwecken möcht / das
sie getrost vnd frölich forthfaren
soltten / diese Gemeine vnd Polickey
wider

widderumb auffzurichten / darin
CHRISTUS selbst sein Euangelion
würdt Predigen / vnd sein Reich
anfahen.

Malachi
95.

Malachias der letzt
vnter den Propheten / wie
sie gezelt werden / Dieser füret
nicht allein Christum den Herrn
oder Herscher in seinen Tempel /
sondern beschreibt auch wie vor
ihm her gesandt sey wurden der
Engel oder Mundt Bode / wel-
cher ist Johannes der Teuffer /
Auch wie das Euangelium vnter
alle Völcker sol außgebreydt vnd
verkündiget werden / da er sagt /
Mein Nam sol gros sein vnter
den Heiden / spricht der Herr Ze-
baoth. Vnd was sol ich viel mehr
sagen / Alle Propheten haben sich
allein auff CHRISTUM geflissen /
ihre gedancken / ja auch nach
ihrem

ihrem vornehmen den anfangk
vnd das endt ihrer Schrifften
auff ihn gericht/ Vnd wie S. Pe
ter sagt Actorum am 3. Alle Pro
pheten von Samuel an vnd her
nach wie viel ihr geredt haben/
die haben von den tagen Christ
verkündiget. Vnd dieweil dem
also ist/vnd hat mit den Büchern
des Alten Testaments diese ge
stalt/was ist denn nun von nöten
das man von iglichem Buch des
Newen Testaments in sonderheit
etwas sage/Denn wie diese Bü
cher des Newen Testaments alle
öffentlich vnd warhafftigt/ alles
was von Christo zuuor verheissen
vnd vor angezeigt gewest / auff
Ihesum den Son Marie / vom
Geschlecht Abrahæ vnd Davids
geborn / ziehen vnd deuten. Also
haben sie so klerlich von Christo
geprediget / das wer diesen Chri
stum in Büchern des Newen Tes
taments

staments nicht sehen kan / der
mus freylich star blindt sein / vnd
nichts sehen können. Derhalben
ists offenbar vnd am tage / das
dis allein das kinige endt der gan
tzen Heiligen Schrift ist / das sie
vns Christum Lehre / vnd erklere /
vnd vns den allein fürhalte / das
wir ihn mit rechtem waren Glau
ben annehmen.

Aber nun lieber sage mir
doch / was ist doch Christus vnd
was nützt er vns? Dis wil ich lie
ber aus den Worten Pauli denn
meinen eigenen Worten anzeigen.
Christus / spricht S. Paulus / ist
vns von Gott gemacht zur Weis
heit / zur Gerechtigkeit / zur Hei
ligung vnd Erlösung. Denn so
wir recht von Christo halten oder
glauben wollen / müssen wir mit
nicht meynen / das Christus ein
Irdischer odder Weltlicher Ke
genc

gent oder König sey / wie die Jüden von ihrem Messia einen Traum oder wahn geschepfft / oder das er hett sollen ein New Gesetz / auffrichten oder stifften / wie ihn nicht allein der Machomet / sondern auch die Münche vnd Heucheler ihnen gedicht vnd abgemalet haben.

Daran ist wol kein zweiffel / das Christus nicht solt das Gesetz (so mit kindischen vnd nerrischen irthumb der Phariseer vertunckelt) klerlich ausgelegt haben. Es war aber dis Gesetz zuvor geben / vnd von Mose selbst vnd auch den Propheten ausgelegt. Die andern halten Christum als für einen / der da ansehe vnd richte nach dem verdienst der Menschen / vnd ist auch warlich Christus ein Richter verordnet der Lebendigen vnd der Todten /

E Er richt

Er richt aber nicht nach dem Geset
setz Mosi / oder nach inhalt der
Keyserlichen Rechte / sondern al
lein nach aufweisung seines E
uangelij / Nemlich das wer dem
Euangelio gleubt / sol erhalten
werden zur Seeligkeit / wer aber
nicht Gleubt sol verdampt wer
den.

Es findt aber noch ander
Leut / die viel weniger von Chris
sto halten / welchs denn zur ver
achtung seines Ampts reicht /
denn sie haltens dar für / Chris
tus sey darumb vom Himmel her
ab gesendt / das er in eine kurtzer
Form verfassen vnd stellen solt /
was sunst im Gesetz mit vielen
worten vnd weithleufftig darge
than / Diese Leut achten Christum
nicht höher / halten auch von ihm
nicht mer / denn für einen schlech
ten Prediger oder Lehrer der kurtz
hindurch

hindurch gehe. Man findt auch
etliche die da lehren das Christus
darumb kommen sey / das er die
Göttliche Religion an die Heiden
habe sollen bringen / vnnnd ob wol
diese Leut ethwas getroffen / zeis-
gen idoch nicht klerlich genug an
was Christus sey / was fürnem-
lich sein Ampt sey / vnd worzu er
vns nutz sey / denn er je nicht vom
Himmel herab kommen / das er zeit-
liche oder Irdische Güter vnnnd
Reichtumb brecht / oder Gesetz
vnd Ordnung machen wolt / wie
man Bürgerlich oder nach der
Münch Regel leben solt / Man
mus in Christo grössere vnd hö-
here dinge suchen vnd von ihm ge-
warten / Denn nach dem der
mensch durch die Sünd verderbt
ist / vnnnd hat derhalben also das
rechte ware erkentnis Gottes ver-
loren / vnnnd ist seines Heils vnnnd
Seligkeit beraubt wurden / do

E ij

hat

hat Gott dem Menschlichem Geschlecht / seinen Son Christum fürgestellt / Erstlich durch Verheissung / wie wir solchs zuuor mit vielen Worten angezeigt / darnach mit seiner Menschwerdung (wie es die Lehrer nennen) das also Gott inn Christo widerumb bekandt würde / vnd durch Christum mit den Menschen versünet möcht werden / Denn wiewol die Maiestet Gottes etlicher mass begriffen kan werden / aus der grösse aller dinge so erschaffen sindt / wie sie bewegt werden / vnd ighlichs seine Ordnung hat / wie sie bestehen / vnd nutz sein / auch ighlich nach seiner mass / schön sindt / Ist doch vmb der Sündt willen / des Teuffels gewalt also gros / das sie den Menschen dieses erkendtnis leichtlich berauben kan. So ist nu derhalbē Christus der Son Gottes verheissen /
vnd

vnd in diese Welt gesend worden
darzu das er mit seinem Todt
vor vnser Sünd solt gnug thun/
vnd mit seiner Auferstehung
vns widderumb zum ewigen Les-
ben vnd Seligkeit brecht/daraus
wir solten erkennen den gnedigen
willen Gottes des Vaters / gegen
vns/Nemlich das vns Gott nicht
wil verdammen / wie wir doch
wol verdient hetten/sondern vns
durch Christum seinen Son ewig
Selig machen / Denn alle die so
den Son GOTTES mit wahren
Glauben annehmen / entfahen
vnd yberkommen gleich mit ihm
den Schatz aller Himlischen Güt-
ther / werden mit Gott versonet/
werden für GOTT als für Fromm
vnd Gerecht gehalten/werden zu
Kindern Gottes angenommen/
vnd werden eingeschrieben das
sie Erben sollen sein des Himmel-
reichs. Dis ist eigentlich der
E iij recht

recht nutz vnnnd frommen / so wir
von Christo haben / dis ist sein
recht Ampt / vn̄ hat dem Mensch-
lichen Geschlecht nichts Heilsa-
mers widderfahren mügen / denn
diese grosse gnade / etc.

Dieweil nu die gantze
Schrift des Alten vnnnd Newen
Testaments also gewis vn̄ glaub-
würdig ist / das man daraus al-
lein die warheit sol lernen / vnd sie
vns vornemlich Ihesum Chris-
tum leret / mit gnugsamer anzei-
gung / wozu er nutz sey / erkleret
Ihn auch als den Son Gottes /
welcher allein vnser Gerechtig-
keit / Leben vnd Seligkeit ist / So
last vns nun lieben Freunde auff-
wachen / last vnns acht haben /
was vnns zur Seligkeit nutz sein
wil / vnnnd das wir vns von gan-
tzen hertzen auff die Schrift ges-
ben / vnd der obligen / dis sol vn-
sere

sere zuflucht sein / das wir Hülff
Trost vnd Seligkeit inn Ihesu
Christo dem Son Gottes durch
rechten waren Glauben an ihn
erlangen vnd empfangen mügen /
inn ansehung das die Heilige
Schrift vns solchs fürhelt vnd
leret / Auch sunst keine Menschli-
che Gewalt / Weisheit / Klug-
heit odder Gerechtigkeit /
vns zur Seligkeit hel-
ffen / oder dieselbi-
gen geben kan.

A M E N.

Gedruckt zu Magde-
burgk / Durch Michel
Lotther.

1550.

Faint, illegible text, likely bleed-through from the reverse side of the page.

Geometrie in Dreyen
Theil / Buch

1 2 3



Fc 2870

ULB Halle 3
001 521 101



sb


n.c. 15





LIBRARIUM
MUSEI HISTORICO-NATURALIS
MAGNIFICENTISSIMI
PRINCIPIS ANTONII FERDINANDI
SAXONIAE ELECTORIS





Farbkarte #13

B.I.G.

r Be=
alt der ganz=
Schrifte/
schen Bücher/
Newen Testa=
den Wirdigen
larten Herrn
Brentium
d erstlich
n aufs=
en.
urch Johans
enum.
am v.
iffte / denn sie ist
r zeuget.
550.

